

В рамках конкурса методических разработок «Уроки Победы»

АпхьарасахІат атема: «Ани апи». Мыхц Къарим. (й-5-хауа акласс)

АпхьарасахІат амурадквa:

- ауыса амагІны, уахьчІва хІмамыр бзазара гІазхчаз, хъацІарата йынкъвыргаз гІаргвныргІвра;
- акыт йауата Абашта айсра Ду йайсыз рабадучва йгІарыквырчважвара;
- рдырра йалархІара;
- рапхьаца агъьчІвра;
- ахІбачва хвы шырзырбуш, цхърагІара йазыбжу йшддрадзуш йазыбжьара.

АпхьарасахІат адгалчІвквa: апхьагаква, Мыхц Къарим йсурат, йазкІкІраква, айсра йайскваз рсуратквa, презентация, компьютер, проектор, экран.

АпхьарасахІат акІвшаца.

I. АпхьарасахІат тшазадгалра дакыкьa.(1 слайд)

АпхьарасахІат йатахъхуш зымгІва рымазтын арыпхьагІв йырхъвыхитІ. АпхьагІвчва апхьара йшазыхІазыру рхІвитІ.

II. ПынхачІвы рхъвыхра.(2 слайд)

1.АрыпхьагІв йажва.

- АгІвычІвгІвара атурых рахІа йжыхьыдаз айсрата йалалыз Абашта айсра Ду агІан совет айсыгІвчва йгІатыргаз АйгІайра амагІны азаман йгъарыдзуам. Ар

къапщ йалата йапшым афронтква йпщцІаз хІхаквлагІвчва рфыррагыи анцІрала хІкъраль йгыи айсра атурых йгІалахатІ.

Абашта айсра Ду агвакъвпра здымсылыз унагІвакІгыи гыаам. Ауаса хІара ауи апш хвитагІа гъхІымам хІуахъчІва бзазара, хІмамыр щымтахъа, хІыжвгІванд лашара ахъазла зынцІра йамайгъдзаз хІхъаштылырныс, ауат квырмыш рзыхІымчпарныс, хъацІарата йынкъвыргаз хвы азыгІымбанис. Апхъартаква, асабигІзартаква рпны совет айсыгІвчва рыхъыз йгыи АйгІайра амагІны ашІаква йырдырра ахъазла уыста йакІвшауа гъмачым, апхъахъылагыи патриот бжъарала анхараква гъашІасуашым.

ХІаргыи абар абаза литература асахІатква рпны хІапхъитІ айсра йгІаквчважвауа агІвыраква. Ауат йрыуата швара швпны ХІачвыкъвва ЗамахІщари йгІахІвахра «Аба йсин» гватра азшвымата швапхъата йшвзыгІахІвахуата швгІайра атахъын.

- Айшыста агІахІвахра хІахазыргІвазушда?

2.Рпны йызпхъаз апынхачІвы къазула гІвыджъ-хгІвыкІ йгІархІвитІ.

АзцІгІараква джъауап рытитІ:

- ХІ-Псадгъыл ахчагІвы АйгІайра амш мыгІвхъгарата йчпаз гІазлыщІыз ачІвыйа?

- Афыр хъада йчпаз тамамума?

- АгІахІвахра амагІын хъада шпажвбауа?

- ХІкыт йауата айсра йгІахъынхІвыхта йыжвдыруайа?

3 слайд

- ХІкыт АлбыргІан йауата айсра хъачва 224 пщцІалтІ. Ауат йрыуата 109-гІв йайсын рунагІваквва йгІайхтІ, р-Псадгъыл рхчауата 115-гІв рхъа щтІарцІатІ. Айсра йаладзквас рсин хІкыт йъагылу здыруада?

- Кытипхъадза йтагылу айсра йаладзыз рчвахъабага синква йырну атдыхъызква амамыр ахв гІахІдыргвалашвахуаштІ. Абар ауат йрыуата зджъакІы (аслайдкав дсырбитІ)

АлбыргІан (4 слайд)

АбазахІабля (5 слайд)

ТІапІанта (6 слайд)

III. АпхъарасахIат атема шIыц адынхалра. (слайд 7)

1. - ХIышта йауата йапхъахауата «Совет Союз а-Фыр» ЧIахIра хъзы гIазквнадыргаз адарыкъвакт Къвныжв ЗамахIщари, айсыгIв-фыр, акъвбина Дагвжвей Хмара, зхъацIарала артшхъвага хIаракIква гIатызгаз акъарапагва Джъанчор Адам, хъамайгъдзара злаз албыргIан Тобыль Науарби, афронт айсра йгIацапахта чкIвыныргIа ргIадзныргылра гвыцкъала йазынхаз айынджыгъ Дахъвма Михаил, хIара хIахквлагIв Шхай Петр рфырра ашвапхала йгIадзынгылыз гъабанпаракIым.

ЙагIвсыз апхъарасахат хIызквчважваз нахIырדзахуата уахъчIва хIызпхъуш Мыхц Къарим йуыса «Ани апи» темата йгIащтIнахуа Абашта айсра акIвпI. Мыхц Къарим швара йыжвдыритI сынчIва ауи йысквш 70 шхIыртлапIаз. Къарим абаза уысара апны А.С.Пушкин йапшта дуысагIв дудздзапI. Ауи йазкIкIраква йрыуапI араъа айшва йыкву апхъагаква «СцIахI чкIвын», «Сара сзачIвдзас гышвыздырхуашым зынгъи», «Йара дунейкI апны», «Ашахв ахIврапшдзаква», «БжапхныркIвата, бжадзынхахъата». Мыхц Къарим урышвлагъи дгIвуан йгъи йатайкIуан. Асквш 2001 адуней анихIваджъ амщтахъ йгIвыраква хтомкI йнадзауата йгIацIцIтI.

2. Мыхц Къарим йуыса «Ани апи» арыпхъагIв дгIапхъитI.

- ХIуагIа р-Псадгъыл ахчара йшпазгылаз?

- Ауат рыцхIагIата йырбаз швгIаквчважвастI.

- Мыхц Къарим йуыса апны Абашта айсра Ду йаладзыз Афыркава уахъчIва хIбзазара йшалу шпагIайырбауа?

АрыпхъагIв: - ХIкыт йауата айсра йайскваз рыхъызква гIашвхIвастI. Йыжвдыркавауада?

Абар ауат рыуа зджъакIы:

Меремкъвыль ШахIымби (8слайд)

Ауи агIан хысквша къвырлыкъв рхун. ШахIымби йкъвырлыкъвхара амщтахъ дгIамихскIва Абашта айсра ангIалага афронтла дцахын ацIыхъвадза дайсытI. ШахIымби финн (финская) айсрагъи далан. Быжъсквш анахъыс акIвпI йунагIва дангIайх.

НакIвахв Альи (ШатIальа) (9 слайд)

Пщмахва МахІмуд (10 слайд)

Шхай Петр (11 слайд)

ТыкІва Анатолий (12 слайд)

- Анатолий ГІайса йпа артиллерия взвод дакомандирын, Украина, Польша, Прага аГІархвитхраква, Берлин аГІахвраква дрылан.

Айсра амщтахьгьи ТыкІва Анатолий Абджьар кьаруква рпны акъвырлыкъвхара офицер гылартаква йымата йнайырдатІ. Совет Союз а-Маршал С.М.Буденный йыхьыз нкъвызгауа Ленинград Айсра Академия асквш 1957 бзидздзата дГІалгатІ, СССР ахъахчара а-Министерства й-4-хауа Аквта анаука-рхъвыхырта институт йынхара джвыквицІатІ. ТыкІва А. йдырраква бзийын, хъатачІв наука рхъвыхра щарда дахІврала йакІвйыршатІ, йапхъахауа адгьыл напІлачпара спутниккв а-Мыз зырхъвыхуаш ауапчыхв аппараткв аналаржъуазгьи щарда йчпатІ. Йапхъахауа аГІвычІвГІвыс ауапчыхв даналаржъуашыз дызрыхІазыруаз аъачІваГІаГІв дуква ргвып дрылан. Анатолий айсыга техника шІыц аГІаныршара, архъвыхра джьгарта далан, йхъвдаквцІараква джъауапкІра йылата, йнардзата йырхъятІ

ХІамыкъва Къарабит (13 слайд)

Пщмахва Башир (14 слайд)

Къвач МухІамад (15 слайд)

- МухІамад айсра длётчикын. Зны МухІамад дызквчІваз асамолет гІакІнырцІауата хвырта йнарадзатІ, ауаса йара парашютла дшГІакІапуз абна дГІалашватІ, йпарашютгьи ацІлакв тшырцранахІватІ. Ауи азаман аГІан абна йазаргваныз Партизанское акыт чкІвын (Китай аграница адзхъа) йауата ани пхІи абна мшІы рхъвшун. Ауат МухІамад йгъызбжъы аныргІа абжъы ахъаГІагузла йыГІвтІ. Хвырта зквыз МухІамад ауат рпны дГІаргын цымызкІдза ддырбзихатІ. Аурышв пхІвыспа Веран лыхъыз. МухІамади Вери абараса йапшІашватІ, бзи йабабан айсра аналга амщтахь Верагьи дйыцта рпны дГІайхтІ, унаГІвара рчпахтІ. МухІамади Вери ГІвыпхІчви пакІи (Сережа, Ира, Галя) гІадзындыргылтІ.

3. Ажвар нхара. (слайд 16)

Агъа сйайГІайын -

Уара учІвылахъв -

сгІахъадзгылхитІ бдунай –

4. Ани апи райчважвара хъатала йгІарыпхъара.

- Айсра ахвыртаква ужвы йъагІадзазгъи йгъымйыхстІ, ауи ауагІа ргвква йтаркІвапІ. Ари ауысагъи ауи йаквшахІатхитІ. АгІвгІвы йхІйырбитІ айсра амца ацІымхъыйхара ахъазла ауагІаква мамырта йацІагылата йацацхърагІауа йбазара шатахъу.

- Ажважв «ХъацІара злу ахы йыгІвшвтитІ» ауыса йаквнагума? (слайд 17)

- АхъацІара йазынархата датша ажважвта йыжвдыруайа?

ХъацІара злу апсра дгъачвырхІум.

ХъацІара злу чхІарагъи йымапІ.

ХъацІара злу йажва дгъайжъахуам.

*ХъацІара уылата унсрыквын рыцІа йагъьпІ,
типныхІва уымата адуней уыквызлара ацкІыс.*

Хъылна зхъу зымгІвагъи гъхъацІам.

- ЗъарагІв аныйа рпачвакв рпсхъагъи рмаухта йаъу? Ауат айсра йшаладзыз шырдыруагъи, ргвгъи рпсгъи йхъанамцІауа рпсы ъадзату ауат йрызпшитІ, йгІамихуаштагъи йгъхъарцІум.


*ЙхІрычвхъатІ айсра амца щарда цІуата.
Уабоу, ссаби? уызгІамихйа уара?*

Арат ажвакв зхІвауа зпачва зчвыдзыз анчва ракІвпІ. Лпа дъаладзызгъи дъацІугъи гъылдырам ан. Зпачвакв гІайхыз анчвакв драйхІвапситІ ауи. Ауат рыхъазла Джыгватан Къалы ауарад «Амара расхатІи» ажвакв йгІвытІ. шваздыргІвы ауи.

(ауарад «Амара расхатІи» мр3 йаздыргІвитІ (слайд 18)

5. Ахъатаршыга кроссворд адынхалра.(слайд 19)

- ЙгІабгъалуа ажвакџа тамапта йтахІыргылыркџын аганла ажџа цІакІы тшгІахънатІуаштІ. Аджџауапкџа хІгІабжыцІуамца апщырцакџа рпны ажџа ахІарыфкџа маркерла йтагІгІвитІ.



1.Тынчра, айсра џаным (**мамыр**).

2. Гџакъџпра, нашхыйагІџа (**рыцхІагІа**).

3.Айсыга џамапсымакџа ажџаџла йызларыпхъауа (**абджъар**).

4. КъралыгІџа алкІгІара (**баракъ**).

5.Абджъар квпшыра (**кІъарахџа**).

6. Айсра апны гІатгара (**айгІайра**)

Аганла ажџа гІащакџшџыргылх.

АрыпхъагІџ: - ТамапІ – АйгІайра. Йшпажџбауа, хІуагІа агъџџа йрайгІайныс зрылшайа?

- Датшагъи йрымапI хIуагIа ажважв бзидздзакI: «*АхъацIара швара гъадырам*». ХIуагIа агъа йчвшвата штахъла йгIатхъазарквын йрылшушызма айгIайра? АйгIайра, амамыр бзазара ауагIа лахIварата йгIарыланацIаз агIвгIвы ЛагIвычв Джъамлъадин йуыса асатырква рпны араса йгIайырбитI:

Айсра згвы йалсыз ауагIа гвыргъачIвитI,
Адуней кIкIара рыгквва аздырчIвитI.
Рышта йыгътахым айсрала къаугIа,
Абджьарква тынчхатI, мамырхатI зымгIва.

Айсра знарыгъу агIвы ддумырбан,
Йажва кыжвмыжквва зынгъи йдумыргIан.
Рылахъ йанымызтI рыцхIагIа, къаугIа,
Зынасып духуш йыгвщашу хIуагIа.

Адгъыл йазамкIуа йызщарду айсгIвы,
Дыхвта йызму ащакъдзыра афгIвы,
ЙагIап йыжвдырныс ауагIа псы шырхъу,
РытшгIва лгIварчуата мамыр шыртахъу!

(Слайд 20)

- Атыл апны айсыгIвчва рчвзабаква, апхIвысква, асабиква уахъгъи тшынгъи рымамкIва афронт йазынхун. Ауатгъи АйгIайра йзабакIуан. УахъчIва хIапхъарасахIат йхIысаспI айсра сквшква зчкIвынхъа аквшваз Меремкъвыль АхIмади Тобыль Щумисати. Меремкъвыль АхIмад уыста йчпази нхарати йакIвйыршази хIахайыргIвазаныс ажва йыхIтитI. **(слайд 21)**

- ХIкыт йауата Урал нхара йыргакваз дрыуапI Тобыль Щумисат. Щумисат КIам Гващи ТЫкIва Замахщарии дрыцта Свердлов область Златоуст къала бна пыркъуан. АгIвыма шIыпIа апны лбзазаща шакIвшаз гIахIалхIвпI. (Щумисати апхъагIвчви айчважвара акIвдыршитI).

IV. АпхъарасахIат атема шIыц дрыбагъяхитI. (слайд 22)

- Ауыса швгвапхама?
- Айсра хIуагIа хъыгIата йрызгIанагIа?

- АуысагІв мурадта йымайа?
- ХъацІара ззырхІвауа шпагІашвгвынгІв?
- Швынхаща шпажвбауа?

(АпхъагІвчва рыцІа къайматта йынхаз, цІарата тшгІазырбаз щаквдыргылитІ.
апхъагІвчва рынхаща хвы аквцІара).

V. ПынхачІвы. (слайд 23)

- 1.103 анапа ауыса збарла йддырдыритІ.
 2. «ЙгъхІтахъым айсра» - хІва хъата йамата алацІара тшыткІ ргІвитІ.
 3. Айсра ркытлагІвкІ фыррата йынкъвигаз йгІаквчважвитІ.
- (1 ахачІвы зымгІва йддырдыритІ, й-2-хауи й-3-хауи ахачІвква рыуа дасу йтахъу
гІалихитІта йрыхІазыритІ)

- Ауыла апхъарасахІат ацІыхъва йнадзатІ. ХІара хІахІбачва ргІатгараква
хІрыладухауа, хІреспублика йгъи Россия ркъагІара хІазынхузтын, АйгІайра
ахъазла зхъа щтІазцІаз, йгІапщцІыцІхта амамыр бзазара щаквзыргылхыз
руасйатква шхІырхъйауа хІзыхІвуштІ.

УнагІвипхъадза тынчра, мамыр гІвназтІ, абанпараква йацапшыта
йрызтлапІу АйгІайра анурква хІкъраль сквщарда йахъадзгылазтІ!

УахъчІва хІысасчвагъи швгІагвалашвахраквала апхъагІвчва
швъарыцагІвшаз йхІгвапапІ. АзгІвадари атынчри швыгымхатІ!

Бзила! (слайд 24)